

PANDUAN UMUM PENULISAN TUGASAN ULASAN ARTIKEL (JURNAL/BUKU/BAB DALAM BUKU) ATAU ULASAN VIDEO

1. Ulasan artikel dan ulasan video hendaklah dibuat secara **berkumpulan**.
2. Setiap kumpulan bebas untuk **memilih salah satu tugas** sama ada **ulasan artikel** atau **ulasan video** tapi ia **perlu berkaitan dengan kandungan kursus Falsafah dan Isu Semasa**.
3. Tugas ini hendaklah dibuat secara portfolio.
4. Portfolio perlu dihantar kepada pensyarah dalam bentuk **softcopy PDF** (smartv3ums/e-mel/*google drive*) mengikut masa ditetapkan. Penghantaran lewat tidak akan dinilai.
5. Jenis tulisan adalah Tahoma bersaiz 11 dan langkau (*spacing*) adalah 1.5.

A. PANDUAN KHUSUS TUGASAN ULASAN ARTIKEL (JURNAL/BUKU/BAB DALAM BUKU)

1. Artikel yang diulas hendaklah dari **artikel ilmiah/buku/bab dalam buku**. Ulasan daripada majalah, berita, dan seumpamanya tidak diterima. Sila berikan *link* atas talian (*online*) artikel ilmiah/buku/bab dalam buku yang diulas jika ada.
2. Ulasan yang dibuat hendaklah mengikut contoh yang telah disediakan.
3. Bilangan muka surat ulasan ini sekurang-kurangnya **15-20 halaman** tidak termasuk muka depan, rujukan dan lampiran.
4. Ulasan yang dibuat hendaklah merangkumi elemen-elemen berikut:

a. Pengenalan

Memberikan pengenalan berkenaan tajuk artikel, nama penulis, nama jurnal/buku/bab dalam buku, tarikh diterbitkan, dan sebagainya. Pelajar perlu melampirkan muka hadapan jurnal/buku/bab dalam buku atau kandungan artikel sebagai bukti pada bahagian Lampiran.

b. Ulasan umum kandungan artikel

Menjelaskan secara umum matlamat kajian, objektif kajian, metodologi kajian, hasil kajian dan rujukan yang digunakan.

c. Ulasan kritis terhadap kandungan artikel

Memberikan ulasan secara kritis dengan menjawab persoalan-persoalan berikut:

- i. Adakah anda bersetuju berkenaan matlamat kajian/objektif kajian/metodologi kajian/hasil kajian/rujukan kajian tersebut? Jelaskan dengan terperinci.
- ii. Adakah terdapat penambahbaikan yang perlu dilakukan terhadap matlamat kajian/objektif kajian/metodologi kajian/hasil kajian/rujukan kajian artikel tersebut? Jelaskan dengan terperinci.
- iii. Adakah hasil kajian boleh memberikan impak positif atau negatif kepada individu/masyarakat/negara? Jelaskan dengan terperinci.

d. Kesimpulan

Menjelaskan kepentingan kajian tersebut dan menyatakan cadangan-cadangan kajian-kajian berkaitan yang perlu dilakukan di masa akan datang.

B. PANDUAN KHUSUS TUGASAN ULASAN VIDEO

1. Pelajar perlu memilih mana-mana media (**pilih satu sahaja** sama ada **drama** atau **filem** atau **iklan** dan lain-lain). Sila berikan *link* daripada *youtube* jika ada.
2. Ulasan yang dibuat hendaklah mengikut contoh yang telah disediakan.
3. Bilangan muka surat ulasan ini sekurang-kurangnya **10-15 halaman** tidak termasuk muka depan, rujukan dan lampiran.
4. Pelajar dikehendaki mengenalpasti sekiranya berlaku isu-isu terhadap **agama/bangsa/negara/gender** dan seumpamanya dalam media yang dipilih.
5. Ulas hasil dapatan anda berdasarkan soalan yang disediakan seperti berikut;

a. Mengapa anda memilih media tersebut?

- Pelajar hendaklah menghuraikan sedikit sebanyak pengenalan atau latar belakang media yang dipilih dan jelaskan kenapa anda memilih jenis media tersebut.

b. Huraikan secara terperinci bagaimana gender/bangsa/agama dan sebagainya digambarkan?

- Pelajar hendaklah menghuraikan beberapa elemen penting dalam media tersebut merangkumi isu **gender, bangsa, agama** dan lain-lain yang berkaitan dengan falsafah dan isu semasa.

c. Nyatakan sekiranya terdapat elemen falasi di dalam media yang dipilih.

- Pelajar hendaklah mengenalpasti elemen falasi dalam media yang dipilih dan huraikan elemen falasi tersebut.

d. Apakah pengajaran yang tersurat dan tersirat di sebalik media yang dipilih?

- Pelajar hendaklah menganalisis pengajaran yang tersurat dan tersirat dalam media yang dipilih.

e. Apakah yang akan dilakukan sekiranya pelajar diberi peluang untuk *re-do* atau *re-shoot* drama/filem/iklan yang dipilih?

- Pelajar memberikan idea penambahbaikan sekiranya diberi peluang untuk mengkritik media tersebut.

